



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՄԵՐԻԿԱՅԻ ԱՐԵՒՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
Tel: 818-248-7737/8, Fax: 818-248-7745
E-mail: Prelacy@aol.com Website: www.westernprelacy.org



LEBANESE AMERICAN FOUNDATIONԻ ՆԵՐԿԱՅԱՑՈՒՑԻՉՆԵՐԸ ԱՅՑԵԼԵՑԻՆ ԱԶԳԱՅԻՆ ԱՌԱՋՆՈՐԴԱՐԱՆ

Լոս Անճելըսի մէջ բնականութիւն հաստատած լիբանանցիներ համախմբող կազմակերպութեան մը՝ Lebanese American Foundation-ի ներկայացուցիչներէն բաղկացած պատուիրակութիւն մը, գլխաւորութեամբ կազմակերպութեան ատենապետ Տոքթ. Հաննա Շամասի եւ նախագահ Տիար Գանան Համգէի, Երեքշաբթի, 15 Ապրիլի երեկոյեան այցելեց Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեանի, Ազգային Վարչութեան ատենապետ Տոքթ. Կարօ Յակոբեանի ու անդամներու կողմէ: Այցելութեան մասնակից էր նաեւ Լոս Անճելըսի մէջ Լիբանանի հիւպատոսի տեղակալ Ֆատի Հաճալին:

Հանդիպումին ներկայ եղաւ Մեծի Տանն Կիլիկիոյ Կաթողիկոսութեան Ազգ. Կեդրոնական Վարչութեան անդամ Տիար Խաժակ Տիքիճեան: Պատուիրակութեան մաս կը կազմէր Թեմիս Ազգ. Երեսփոխանական Ժողովի անդամներէն Տիար Ղազարոս Ղազարոսեան եւ Տիկին Տալիթա Քէօթոյլեան, որոնք այս կազմակերպութեան վարչական խորհուրդին մէջ հայութեան ներկայացուցիչներն են: Ներկայ էր նաեւ դատաւոր Ճան Քէյսօ, որ հայ համայնքի սերտ բարեկամներէն է:

Թէեւ այս կազմակերպութեան հետ Առաջնորդ Սրբազանն ու ժողովականութեան անդամներ անցեալին ունեցած են հանդիպումներ, սակայն առաջին անգամն էր որ անոր ներկայացուցիչները կ'այցելէին Ազգ. Առաջնորդարանի նորակառոյց շէնքը:

Առաջնորդ Սրբազանն ու Ազգային Վարչութեան Ատենապետը արտասանեցին ողջոյնի խօսքեր. Առաջնորդ Սրբազանը յատկապէս նշեց, որ Լիբանանի մէջ հաստատուած Մեծի Տանն Կիլիկիոյ Կաթողիկոսութեան հովանին վայելող Ազգային Առաջնորդարանը «նաեւ ձեր տունն է», եւ վերահաստատեց հայութեան բոլոր բարեկամներուն հետ գործակցութեան կամքը: Խօսք առին նաեւ Լիբանանի հիւպատոսի փոխանորդը, Տոքթ. Շամաս, դատաւոր Քէյսօ, եւ պատուիրակութեան այլ անդամներ:

Լիբանանցի դիւանագետը գոհունակութիւն արտայայտեց այս այցելութեան առիթով ու շնորհակալութիւն յայտնեց սիրալիր ու ջերմ ընդունելութեան համար, յիշելով նաեւ, որ Ազգ. Առաջնորդարանը միշտ ալ աջակից եղած է Լիբանանին ու անոր ի նպաստ նախաձեռնութիւններուն: Դատաւոր Քէյսօ, իր կարգին, շնորհաւորութեան խօսք ուղղեց Առաջնորդ

Սրբազանին՝ Ազգ. Առաջնորդարանի նոր շէնքին համար, մասնաւորաբար գնահատելով Առաջնորդ Սրբազանին ի գործ դրած ճիգերը: «Գեղեցիկ կառոյց մըն է, թէեւ չեմ գարմանար...», աւելցուց ան, միաժամանակ նշելով, որ «բոլորս ունին միեւնոյն արմատները, որոնք ծլարձակուած են Լիբանանէն»:

Հանդիպումին ընթացքին, հիւր պատուիրակութեան անդամները լուսաբանութիւններ տուին մօտաւորապէս 7 տարի առաջ հիմնուած այս կազմակերպութեան աշխատանքի դաշտերուն մասին, որուն հիմնական նպատակն է ի մի խմբել մասնաւորաբար շրջանիս նախկին լիբանանցիները եւ կարելի միջոցներով աջակցութիւն տրամադրել լիբանանեան հայրենիքին: Անոնք կարելորութեամբ վեր առին հայութեան մասնակցութիւնը Լիբանանի նախատագնապէս թէ յետ-տագնապէս կեանքին մէջ, շեշտելով, որ Լիբանանի հայութիւնը մէկ անմասնատելի անդամն է լիբանանեան ընտանիքին, մեծ ներդրում ունեցած է անոր զարգացման մէջ, իսկ այստեղ, յոյս ունին, որ նախկին լիբանանահայեր նոյն նախանձախնդրութեամբ աջակից պիտի ըլլան կազմակերպութեան գործին: Առաջնորդ Սրբազանն ու ժողովականութեան ներկայացուցիչները, իրենց կարգին, շեշտեցին, որ յատկապէս Արտերկրի հայութեան համար Լիբանանը ունի մասնայատուկ տեղ ու երկրորդ հայրենիքի հանգամանք:

Հանդիպումի աւարտին, Առաջնորդ Սրբազանը յուշանուէրներ յանձնեց լիբանանցի դիւանագետին, պատուիրակութեան նախագահին, ինչպէս նաեւ Մեծի Տանն Կիլիկիոյ Կաթողիկոսութեան մասին գրքոյկ մը՝ բոլոր հիւրերուն: Այնուհետեւ, տեղի ունեցաւ պատշաճ հիւրասիրութիւն մը: Ապա, հրաժեշտէն առաջ, Առաջնորդ Սրբազանն ու ժողովականութեան անդամները հիւրերը առաջնորդեցին Ազգ. Առաջնորդարանի տարբեր բաժանմունքները եւ բացատրութիւններ տուին անոր աշխատանքի դաշտերուն մասին:

LEBANESE AMERICAN FOUNDATION REPRESENTATIVES VISIT THE PRELACY

On the evening of Tuesday, April 15th, officers and members of the Lebanese American Foundation visited the Prelacy where they were greeted by H.E. Archbishop Moushegh Mardirossian, Prelate, Executive Council Chair Dr. Garo Agopian, and council members. The delegation was headed by Foundation Chairman Dr. Hanna Shammas and President Mr. Kanan Hamzeh.

Also participating in the meeting were Acting Consul General of Lebanon the Honorable Fadi Hajali and Catholicosate Central Executive Council member Mr. Khajag Dikijian. Prelacy delegate Mr. Ghazaros Ghazarossian and community activist Mrs. Dalida Keuroghlian, both of whom are board members of the Foundation, were among the delegation, as was the Honorable Judge James Kaddo, who is a close friend of the Armenian community.

The visit began with welcoming remarks by the Prelate who spoke highly of the collaboration between the two communities. Remarks were also made by Dr. Garo Agopian, Acting Consul General Fadi Hajali, Dr. Hanna Shammas, Judge James Kaddo, and members of the delegation. Mr. Hajali expressed

appreciation for the warm welcome and reception, as well as for the constant support of the Prelacy towards Lebanon. Judge Kaddo congratulated the Prelate on the new headquarters and commended him for all his efforts.

Following the welcoming remarks the Prelate and council members familiarized the delegation with the structure of the Prelacy and the work that is carried out. The members spoke of the endeavors and mission of the Foundation, which was established nearly eight years ago to bring together Lebanese-Americans and to offer their support to Lebanon in any means possible. The members spoke highly of the Armenian community in Lebanon, stressing that they are an important segment of the population and greatly contribute to the development of the country. They expressed optimism that Lebanese-Armenians in Southern California will support the Foundation's endeavors with the same enthusiasm. The Prelate and council members in turn emphasized that Lebanese-Armenians have a strong connection with Lebanon, which has become like a second homeland.

At the conclusion of the meeting the Prelacy presented the Chairman and President with mementos and presented all the members of the delegation with a booklet on the history of the Catholicosate. The evening concluded with a reception and with a tour of the building.